

文靖公遺集

文靖公遺集卷三

男景灃孫蔭

詣翰林院謁文公祠

尼山俎豆拜宮牆更向先生肅瓣香封奏一朝真諫議
起衰八代大文章蝸蟾底事紛皇甫蛟鱷難容溷李唐
千古是非終論定不須重問段文昌

景秋坪都憲實授軍機大臣詩以致賀

柏臺霜氣湛清華練習樞垣

恩禮加口吻不談溫室樹筆端時燦上林花我慚聯步
升

丹陛人羨真除等白麻軍國平章抒偉畧好追房杜翊
天家

與韞竹侯親家話場屋舊景

時竹侯以河南縣令
候補知府讀禮家居

才氣縱橫隘九州名場我輩幾名流於今老境參文境
淡泊汪洋蘇子由

茗椀香清俗慮空國初諸老溯遺風秀才氣味依然在
馮益都偕高念東

景秋坪都憲拜工部尚書之

命喜成一律

紅杏枝頭麗景溫尚書此日拜

天恩司空古協三公貴樞密今兼六相尊大庀梓材扶
鳳闕盡平桃浪安龍門得人喜爲

熙朝頌笑倚梅花倒玉樽

韞竹侯親翁和前絕句二章不用元韻古製也仍

次其韻以答之

伏波橫海舊登壇

用唐人句

回首詞壇等量看盈尺許多名

著作

大集刻於汴省

固應聲價重三韓

匏繫區區笑一官何如嘯詠地天寬歐蘇文酒稱華貴

郊島山林愛瘦寒

聞有不復出山之說洵可慕也

養疴戲作

狂虎風號庭樹勁琉璃凍雪梅窗映頓憶豪俠辛棄疾
愛說將軍霍去病疾耶病耶胡爲來不關晉國紛黃能
早朝數隨賈至步消渴愧乏相如才喜看活火烹茶鼎
魚眼蟹眼珠光炯七椀旗槍飽玉川一林雲霧思蒙頂
自笑鼯鼠同飲河撐腸挂腹揚其波蕩邪滌穢資良劑
撲筆推書有睡魔吁嗟乎稼軒英氣長虹吐冠軍壯烈
輝盟府棄去疾病今猶古坐聽瓶笙揮玉塵

擊壤餘音

康衢擊壤歌詠堯天

僕

養疴家居暫得休暇元

夕倏過韶景方來顧花木之紛羅聽兒孫之嬉

笑亦足樂也用七十老翁頭似雪海棠花下戲
兒孫勾隨手書寫演成十四絕句無復體格亦
不過堯衢之懽噪焉耳因名之曰擊壤餘音

端月貴神祠太乙懽聲比戶皆佳日千紅萬紫啟韶華
不藉鶴林殷七七

承平喜說干戈戢儒素家風恬結習知識須無帝力忘
莫詡聞一能知十

浩歌一曲春光好擬向安期尋大棗孫武空思赫赫功
子瞻笑詠垂垂老

關心二十四番風一度花風一度紅淡泊自饒清淨福

仰觀深感碧翁翁

玉河冰泮水東流
愛看芙蓉水上鷗
無限清光來眼底
天機活潑悟源頭

聖代越裳呈白雉
雍熙合與成周似
相逢俱是太平人
春酒盈樽觥似兕

去冬萬頃飛瓊屑
豫卜豐穰民氣悅
更喜清明放鵲天
桃花紅錦梨花雪

春來春去隨眞宰
秉燭遨遊清興在
羨煞東坡詩趣豪
玉僊洪福花如海

帝城塵土輒紅香
召伯封燕德澤長
三十六年眞宰輔

至今花樹愛甘棠

多少朱門綺麗誇清風偏屬鄴侯家仙源更勝陶元亮
紅杏花連桃李花

新正終日勞輿馬休沐偶閒欣日下莊叟猶香蝴蝶魂
義輪任上鴛鴦瓦

松養和襯竹如意亦或錦天兼繡地窮達何須問卜人
眼前事事皆遊戲

好風暖送萬年枝正是韶光淡冶時嬌鳥數聲天趣足
雛鶯出谷燕生兒

絲絲垂柳蔭重門小酌花前酒滿樽醉態有時狂態逞

一鞭竹馬策童孫

漫興

春事曹騰日又西東風芳草翠淒迷柳條黃嫩鶯兒怯
花夢紅酣鳳子低七椀誰歌茶破悶百壺且醉酒如泥
白衣蒼狗人間世笑指浮雲漫品題

退朝口占

紫宸班下

御香飄春滿

皇都淑景饒乳燕雛鶯驕柳陌淡雲微雨釀花朝
宸瀛共祝金甌鞏和氣常欣玉燭調翹首西山添颯爽采芝

擬踏翠岩堯

香山看操赴十方普覺寺作

趨公擬宿梵王家麗澤門西石道斜
游女似憐秋色好風前盈握裊黃花

路指西山賦載馳秋容如畫靜偏宜
幾行疎柳魚鱗屋

認是茶陵文正祠

李西涯祠墓在畏吾村界今大慧寺迤西是也

白塔凌虛勢卓然五華山色碧連蜷
卧游古佛應知我

晚照紅澄慧日圓

明霞綢采閃衡茅石骨沙痕翠一坳
輿馬喧闐山寺靜
幾番鸛鶴笑松梢

由卧佛寺迤邐至靈光寺作

半鋪沙磧半田園十里青山綠樹繁杏子口西天曠朗
武陵漫詔晉桃源

榆柳陰濃接上方喜禱梵刹舊輝煌神宗聯字踪難覓

何況金源萬壽王

明神宗御書似顏平原今已無存金萬壽王墓附近亦湮沒矣

姚家寺古傍浮屠聖水禪林溯太初却羨霧明庵畔碣

尚留黃葉道人書

海慈禪師碣錢塘高士奇書

翠微山勢莽青蒼翠鎖千峰拱夕陽香界寶珠吾不羨

端然坐鎮魯靈光

靈光寺小憩香界諸刹均未親詣

兒輩超騰罔憚勞歸來競說碧峯高身輕奮迅齊秋隼

雖不能仙亦足豪

一片仙心仰次寥
白雲軼事豔前朝
月明騎鶴人何處
我卽題詩勝玉霄

靈光寺南亭遙見八寶山鋼鐵墓感賦

此輩緣何寄爪牙
長陵開國藉承家
野僧指點如矜詡
過客途經幾歎嗟
爲帝大師悲滅沒
滔天委鬼兆萌芽
貂璫世界成嗤笑
雲樹蒼茫日又斜

十方普覺寺夜作

禪榻宵深得靜觀
壯懷放處海天寬
怪鴟啼野樹林黑
虬虎簸風谿谷寒
塵外秋心參鶴語
夢中山意悟龍蟠

卷三
夜珠來喜昆明近金粟如來帶笑看

沙灘書所見

沙明草細野風秋牧馬連羣散不收意態儘饒雄傑氣
不知若箇是騅騶

送鮑太史還浙

萬戶秋聲撼井梧江天風味話蓴鱸鮑家太史挂帆去
一片鄉心滿鏡湖

賜厚菴以布政使銜道員改授京卿用其世襲輕
車都尉服色戲成一律卽以持贈并索和章

雲篆紗籠定命尊達夫晚達總

天恩黃楊遇閨區分寸翠柏經冬鍊節根朱蔡至交呼
老友崔盧舊誼齒諸昆巡檐且共梅花笑詩滿奚囊酒
滿樽

用洪文卿殿撰贈錫京堂厚庵韻藉呈同館諸君
子

金闕巍峩

玉詔頒鸞翔鳳翥彩雲間千秋

盛烈光鴻筆一代香名豔馬班顥宇共瞻卿月朗靈池
欣詠夜珠還穆天子傳殷勤讀鰲戴同欽海上山

同館諸君子名作如林實深欣并用疊前韻二律

以誌厚望

三館三司品望尊宏才自合被

殊恩輝煌鳳泊鸞飄字培植星榆月桂根異日槐廳兼
棘寺同堂玉友並金昆小園松菊延清賞好醉寒香柏
葉樽

紫誥紛綸取次頒人材盛邁漢唐間諸公並抱珪璋器
似我猶叨令僕班司馬芸編千載上令狐蓮炬九霄還
文章政事淵源合仁見增高萬仞山

瑞雪優霑詩以誌喜

翦水花迎小雪天瓊林玉樹氣澄鮮鴻功澤兌歡滕六

魚夢占豐普大千膾炙香添松火韻

是日食烤肉頗有塞上風味茶

湯靜挹竹鑪圓倉箱定愜生民願

聖主寅祈仰惕乾

顏雪廬觀察以史館

恩獎加二品銜鍾兩辰宮允作人未還丹君鍊丹等句

謔之因步其韻用博一粲

萬變文心一寸丹描摹

禹鼎篆湯盤網羅碧海珊瑚樹點綴青驄獅豸冠交甫

驪珠瑩結珮武威螢火萃成丸會昌詩集君知否進步

仍期百尺竿

新正五日

鼙鼙臘鼓聽頻搗頓喜元辰絢物華老境詩心俱澹定
新年客語總麻嘉堆盤橘豔金鎔果繞座梅馨玉作花
切祝東皇施閭澤春風綠野徧桑麻

赴香山途中作

名山蒼莽

帝城西往迹金元未盡迷陽谷陰崖雲左右蹲龍踞虎
石高低貌貅勁直村民雜松柏蕭森野鳥啼大小青蛇
靈爽在奇踪欲問古招提

盧師山相距不遠龍
子降雨事至今流傳

卽景四絕句

風狂嘯虎野雲橫芳草鋪茵柳綫縈却笑韓嫣多孟浪
濫拋金彈打流鶯

宿麥連塍杏暈霞文章大塊絢清華乾坤摹繪無才思

慙愧東風木筆花

卧佛寺中
木筆初花

悟到心清聞妙香梵宮況在小清涼

西山一名吹聲如
小清涼山

豹嗤村犬踈憶王維華子岡

韶華雅羨武陵源紫韻紅腔鳥雀繁共仰東皇權鎮定

滿谿桃李總無言

卧佛寺壁有貴雲溪大宗伯遊西山寶珠洞詩卽

步元韻

圓通十地小低徊未許閒階上綠苔樹影翠濃千嶂簇
日華紅閃五雲開笛箏洗耳泉鳴玉蔬筍騰香酒滿杯

寄語談經諸上座潭龍聽法可邀來

是時盼雨甚切

十方普覺寺夜坐口占

承天寺說訪懷民金粟如來證後身花雨望移香雪海

芸編學譯大雲輪

大雲輪經音義與奎山慧海二僧印證並得其祈雨總咒

四山鳥

語供禪悅一榻鐘聲悟淨因慧業有無衡嶽跡

桂竹孫北壇謂

子自衡山脩行得果帆隨湘轉笑紅塵

歸途偶成四首

學術誰嫻龍豹韜紅旌獵獵野風號火雲陣合山精避

忠武休矜麻扎刀

紙錢風攪白楊聲乞食蟠間拜跪誠千載賢愚成一笑
石泉槐火又清明

麥苗被隴碧葱蘢望雨家家祝歲豐一路山村圖畫裏
櫻桃花白杏花紅

五華山下古松寒湖遶昆明眼界寬歸詠欲諧曾點瑟
書生莫漫薄粗官

連日細雨詩以誌喜

蒿目黔黎涕欲零甘霖忽沛感蒼冥香宜白傅防風粥
勝愛坡仙喜雨亭

日來畏風望雨故云鑿井疏泉推地利因雲灑

潤藉山靈

時疏請鑿井者甚多均飭該省議行覺生寺

畔壇如昨共笑龍岡說不經

時有人於覺生寺祈雨處安瑩遂有所禱不驗之說

感懷

民事常期歲事豐韶光九十思無窮銀雲一徑梨花雨
金縷千家楊柳風山郭水村歡社鼓濁賢清聖付郵筒
倚天耿耿揮長劍魑虐全應掃盪空

穀雨日兩恭紀

滿眼生機仰化工節逢穀雨雨溟濛四山茶潤團槐火
一路花香接棟風喜聽三農聲叱犢更期十日澤龐鴻

晉祠洛下雲如許合有甘霖灑太空

晉豫二省望雨尤切

俗有旱船之技童孫等喜之戲成一律

古監民爲水今看界盪舟數聲漁父曲一片野人謳老
境囂常避童心樂未休達觀懷子美天地付沙鷗

卽事口占

酒債詩場證古歡
恩恩華髮鏡中看
掖垣視草趨承易
老眼無花審顧難
節序乍晴還乍雨
裳衣輕煖復輕寒
少年意興今仍昔
藥碗躊躇笑未乾
少年畏服湯劑結習今仍未除也

題趙忠節公景賢遺冊

忠節公以甲辰孝廉辦湖州鄉團髮逆披猖之
際有恩旨飭赴閩省觀察之任朝廷本

任爲重而保全賢傑之意默寓其間乃事棘卒
不忍去竟以身殉其堅苦卓絕之行實有令人
欽佩者國史具在展卷之餘殊覺景慕而不能
已也今令嗣以遺墨索題僅成一律以誌向往
言有盡而意無窮何足髣髴其萬一耶

日星河嶽志堅凝遺墨猶驚光怪騰勁節天成顏魯國

丰裁人羨趙吳興

俞學使樾謂公以翩翩公子而有俠丈夫風

辰科雅稱龍

文健子舍欣瞻燕翼承

哲嗣惠卿與景澧兒景星姪均爲水曹寅友

七十一

澧祠宇近雲車風馬想威棱

送楊蓉浦太史

頤

省親還粵東

楊子文中虎翩然返故園鄉心南海月春草北堂萱桂
楫欣飛渡蘭陔契雅言承歡仍赴闕菊酒待東軒

全小翁中堂重拜協揆之

命詩以致賀

榴花紅照午風薰飛下瑤天一朶雲薇省香深諳故步

葉河源古誦清芬上公冠蓋輝相耀

鶴峯公相宣麻嘉樹音

聲吉並聞我本年家舊昆弟

麟文端二兄與小翁已卯同年

倍欣鸞鶴

與同羣

志靄雲親家以少寇復調司農詩以誌喜

六官惟愛大司農詩溯船山謔語工老將廉頗思用趙

美才公旦慨居東登盤昌歎芬芳碧照眼櫻桃爛熳紅
宦味回甘兼令節銜杯想見氣如虹

童遜庵太史諸君子邀飲龍樹寺率成一律

朋儕文酒興淋漓三十年來感夢思鹿苑烟霞常淡定
龍槐鱗爪倍權奇重申雅約真嘉會卓午清陰恰好時
尺五城南鸞鷺集鷗盟共契碧漣漪

中秋賞月喜與玉堂五弟暨子姪小飲

又見團圓月平分秋色時喜賡兄弟翕大慰別離思玉
照蓬壺朗金波桂粟滋高寒良可念坡老證襟期

其二

月輪圓滿極涼燠適中時傾倒一樽酒拓開千古思塵
心全洗滌佳趣助華滋笑向姮娥問何如榮啟期

南海甸卽事

詰戎講武繼苗蒐想像

先皇此豫游掠地野風涼似水迎人山色淡宜秋功名
誰上凌烟閣登陟偏逢賣酒樓卽境低徊仍勝境夕陽
紅絢蓼花洲

昆明湖口占

湖上銅牛尙儼然山光橫水水橫天閒花野草渾如夢
滿耳秋聲漱玉泉

宦海

梧葉聲寒萬井秋乾坤一笑等浮漚白頭或詔遼東豕
黑夜誰驅卽墨牛日出可餐爭秀色雲齊直上有高樓
茫茫宦海無崖岸若箇風帆及早收

過泉宗廟作

是日赴外火器營看演鉛丸

泉宗祠宇仰神靈秋色澄鮮入畫屏柳葉碧寒楓葉赤
稻田黃熟麥田青廟清共見山常在灑潤真堪醴作銘
自笑應官恩迫甚羨他鷗鷺滿前汀

游寶藏寺偶成

紅石山頭路糾紛青龍橋水綠沄沄前朝鴻爪尋蒼雪

古寺螺旋倚碧雲

寺舊名蒼雪菴
碧雲寺在山右

三世證明金粟藏九

霄高拱玉宸君
郿王耶律靈宮近

景泰陵在金山口耶
律文正王墓在湖濱

均屬一片煙嵐鎖夕曛

景泰陵弔古

雲端忽墮明天子
雨帝城隍謠詠繁
支拄可憐于少保
調停惜乏李長源
儲移深濟親情薄
門奪曹徐世局翻
太息金山松柏冷
野烟蒼莽暮鴉喧

海淀雜詩

碧水紅山罨畫廊
菊花澹冶桂花香
忽逢開寶閒鸚鵡

絮絮風前說上皇

寶藏寺遇同治年
閒許監茶話良久

松樹畦長擁釣磯水光山色畫依稀風鬟霧鬢人多少

疑是前明舊浣衣

浣衣局前
明有之

閱武樓前秋草深重陽天氣屢晴陰玉峯塔影如招手
待我登高鸞鳳吟

秋郊卽景

秋潦積寒窪秋風雁影斜淡雲低遠樹老屋隱疎花清
愜乾坤氣歡騰農圃家夕陽佳趣足數點指歸鴉

再疊前韻

岡阜突還窪縱橫野路斜蒼煙迷榭葉黃霰落松花燕
雀羣栖畝雞豚各識家書空誰咄咄墨點笑啼鴉

赴舊太倉戲作

蕭然行幄儼精藍
兵食兼籌共苦甘
榛栗分儲憐鼠黠
烏鳶恣飽恨狼貪
風雲俱潤塵埃靜
案牘常清興味酣
一片澄波數株柳
秋光明瑟話江南

秋興七律

羅雲淡沲霧微茫
衣厚裝棉薄曉涼
木葉寒砧秋萬戶
菊花新釀古重陽
粘天衰草雕盤野
卷地西風雁叫霜
最喜郊圻秔稻熟
尖團蠨美橘橙香

雨夜夢醒賦以待曉

五更急雨響階除
一枕黃梁夢有無
在几芝蘭香氣靜

隔窗松竹葉聲麤重衾寒峭驚秋信廣廈情殷愧遠謨
惟祝黃雲歌樂歲村氓處處免追呼

全小汀協揆重赴鹿鳴宴

恩賞太子少保詩以奉賀

華甲重周七政齊公才公望孰攀躋韶年丹桂吳剛斧
晚節黃花韓稚圭禮樂詩書宏世澤公承公勤君臣父

子重

天題已卯鄉闈首題爲君青宮師保真無忝

君臣臣父父子子

恩命輝煌羨紫泥

小汀和章典貴而迅速因敬疊前韻以誌景慕

高年直與大椿齊修意修容敬日躋笙瑟共歌名士酒
躬桓正秉上公主前輩皆致仕者公獨以協揆與宴乃本朝第一人也登龍舊稱
銀蟾麗吐鳳新瞻錦字題笑問宮衙人送喜也應捷報
似金泥

退朝口號

五雲深處

紫宸班退食人同倦鳥還老圃有情香晚菊好詩無數
夢秋山陳搏枕石誇龍蟄魏野烹茶羨鶴閒風雨攪林
誰廣庇杜陵廈擬萬千間

小汀協揆再疊前韻走筆和之

紫薇花發玉階齊
路入三台喜共躋
品望貞金參樂石
文章圓璧耀方圭
生申頌後

龍綸錫公七旬蒙週甲年前雁塔題
八表更期周太保
恩光稠疊煥芝泥

卽景偶成

令序紆徐報小陽
蕭疏景物逗詩狂
歸鴉點樹暮煙紫
落葉鳴階秋蘚蒼
有地留香娛晚節
誰家生子喚冬郎
西涼美酒葡萄熟
好約良朋醉玉觴

送錫學士纘都護西藏七律二首

史館趨蹌閱歲時
清剛聞望舉朝知
有緣小住烏斯藏

無敵非徒白也詩電掃堅昆驚草木風行贊普避旌旗
蒼生霖雨花門共達賴班禪亦受釐

苗裔空傳利鹿狐

吐番多禿髮苗裔
今日未審在否

法輪仍仗偉人扶

藏中係辦達
賴等佛之事

彤廷選士來鳴鳳紅教參禪却野狐三疊陽關宜勸酒
一年合浦喜還珠封侯金印刀環曲早送佳音慰老夫

自笑

風裊庭柯月滿籬靜中佳趣少人知菊花傍榻香團夢
茶乳融甌韻寫詩翠竹白沙懷杜甫疎鍾遠火話王維
塵勞自笑東華客清妙天機證阿誰

藍靛場看火器營操用杜浣花遇田父泥飲韻

木葉攪霜風家家瘦榆柳宵出都西門峭寒思醉酒蟾
月耿天斜狐火隔林有路經李相祠文章懷鉅手善類
陰扶持憑弔低徊久邇維僧忠王勳烈垂不朽火器舊
團營材俊仍奔走尙論古哲人頡頏誰可否今來講秋
獮雷電供搜取決機動若神擊尾應以首江吼魚腹石
風行土囊口旂采耀三辰妖氛銷五西領茲節制師誰
歟矍鑠叟回憶故將軍垂楊生左肘歸途意瀟灑得句
忘粗醜斐几讀陰符蘭陵酌玉斗

對菊

俯仰東籬興趣幽偏於閒靜見風流寒蜂瘦蜨依三徑
佩紫懷黃豔九秋勁氣鬱盤真傲骨晚香斂抑偶低頭
詩人品格誰能肖好向淵明列傳求

宮洗葉恂予 大焯 以福柚棗羔見惠詩以謝之

物愛心臧厥土珍八閩鄉味喜紛綸品高篠簞三江貢
題豔芙蓉九烈神史局職勤經局雅元方誼篤季方親
乃兄爲乙丑榜下名進巴歛一曲君應笑郊島寒酸自
士故殷殷有執經之意
寫真

夜坐偶成

纖雲四卷氣澄鮮明月無心入夢圓瀟洒襟期閒興味

菊花香到枕頭邊

英香岩中堂以繙譯舉人重賦鹿鳴

恩賞宮銜詩以賀之

樂聖銜杯詠避賢

香翁飲量甚宏

葉河名相共賓筵
萃芩香擁

雙宮保

小汀前有宮銜之賜君復荷之

十九齡同美少年
鴻寶一編

倉聖學蟾輝萬古大羅仙
羨君堅比媧皇石
補就姮娥

桂子天

繙譯孝廉向未有重賦鹿鳴本日奉諭旨并命纂入則例何勝欣羨

長至日偶作

退食曹騰倦枕歌和神佳境
裊遐思梅花夢醒軒然笑

正是天心來復時

題精忠柏摹本應 恭親王教

駿望殷人社鵠勛岳氏旗風淒三字獄霜冷萬年枝南
宋興亡恨西湖草木知冬青陵樹近勁節共昭垂
廟柏吟諸葛柯銅榦鐵蟠一株芬鄂國千古豔臨安大
樹齊馮異純臣壓曲端南枝有同調漫作畫圖看

文靖公遺集卷三終

文靖公遺集卷四

男景禮孫蔭桓恭輯

辛巳元日偶成

倏寒倏暖任乾坤
酒酌屠蘇冷亦溫
朝野最宜春景物
親朋喜見好兒孫
萬家竹爆響娛耳
幾樹梅花香到門
永祝太平無一事
笑看宦海等山村

賀歲寄蘊親家竹侯戲作

朝罷香攜

御座煙叩門
僕笑說酣眼
歲朝詩好推
敲否羨煞莊生
蝴蝶仙

高紹良秋部和元日詩因疊韻以廣其意

動直符乾靜翕坤新知端賴古經溫星辰雅羨藜爲杖
霜露仍甘芥有孫歸岫雲遲霞絢綺試鐙風好月當門
眼前景物皆天趣憶否江南黃葉村

恭紀五言古

言出國東門倏過通路亭愴然念

穆皇涕淚時珠零橋邊寒鶴語天際升

龍輶曲禮隆

永安卿士奔風霆重鎮仰

昌瑞

王氣鍾霧靈

陟降赫鑒觀弓劍高吟謁恍目前莽蒼雲山青

煙郊卽景

香飛十丈輭塵紅地出東華東復東楊柳樓臺詩客筆
杏花村店酒旗風四圍山色重城外一路春光三月中
多少行人憐喘息問牛何事敢居功

野眺偶成

蹕路經過隴麥稠欣看匝野翠雲流永朝永夕趨金馬
呼雨呼晴聽錦鳩最喜芳春天與閨頻教甘澤膏如油
陰陽橐籥誰司柄仰視蒼蒼禱祀求

夜赴白澗到行幄作

鐙火傳呼急星辰采色聯

皇風春蕩蕩王道直平平村樹桃花雨河橋楊柳煙田
盤欣在望啜茗話飛仙

夜過薊州

獨樂前朝寺經過百感增謫仙輝綵筆古佛炳神鐙燕
冀此鍾毓賢豪頻蔚興張堪有仁政瑞麥間鱗塍

三月二十三日爲

穆宗聖誕叩謁之餘倍深哀感恭紀七絕二章

昔年廣樂奏鈞天

萬壽瑤觴列綺筵此日葛山虔叩謁一同展拜一潛然
倚山

朵殿五雲開想像

龍顏屢溯洞石瀨松濤風颯爽大羅天上

翠華來

恭送差竣敬紀

旌旆飛揚不動塵龍門流水碧鱗鱗

經龍門

龍髯未許輕

攀附弓劍森嚴若有神

金星蟠鬱翠陰陰執紼歸來暮靄沈十里西風松柏路
步虛聲雜鳳鸞吟

穆宗毅皇帝地宮永安恭題禮成閣臣均拜 宮銜之

賜謹擬紀 恩七律一章

萬年俎豆馨香奉珥筆 微臣 凜鑒觀恍惚靈祇森拱衛

汪洋

聖澤慶輝冠唐家福命稱裴度江左風流首謝安自愧
衰年叨竊甚受

恩深重報

恩難

雨後三河道中

雲氣蒼茫雨腳霏天祛塵壒護征衣綠楊垂蔭鳴鳩喜

紅杏連村蛺蝶飛附驥健奴紛得志

無知奴子多於路旁馳騁且有嚇叱

民夫者

騎牛野老自忘機田盤夢想神仙窟枳殼花香筍

蕨肥

左湘陰爵相來都把晤暢談英姿猶昔喜而有作

七十年華熊豹姿侯封定遠漢官儀盈胸浩氣吞雲夢

蓋代威名震月支司馬卧龍應合傳

文章西漢兩司馬勲業南陽一卧龍

友人贈公聯語也

湘江衡嶽共爭奇紫薇花省欣聯袂領取英

謀絕妙詞

季翁和章詞多謙抑論中外情形具徵襟抱因疊

韻二首以誌欽佩

凌煙高閣話英姿或擬臨淮或子儀偉烈自宜鐘鼎勒
巖廊羣許棟梁支九天星斗昭經緯八陣風雲互正奇

莫慮鯉魚驕海涇昌黎嚴切有宏辭

議及海防
頗持名論

破浪乘風矍鑠姿伏波橫海我心儀胸羅成竹謀兼勇
手斫扶桑幹與支狐兔穴空邊肅穆蛟虬筆掃陣魁奇

補書五雲多處
匾額現懸翰苑

武功不論談文翰早邁當年韓定辭

望雨情殷節屆驚蟄感而有作

碧虛樓閣肅東皇啟蟄羣驚教令彰天上春來神布濩
地中雷奮氣飛揚是何蟲豸能違抑未許龍蛇巧閉藏
甘雨和風隨絳節喜聞社鼓祀勾芒

花朝前二日看神機營操晚出京城途中口占

朝隨樞院肅鵠行夕出都門武烈揚殘雪在郊增薄冷

遠山如畫澹斜陽八州作督欽陶侃

左爵相時入樞垣

千里懷

人感謝莊

曾沅園制軍駐師山海關病體可念

能否杜陵天福共手捫鱗

篆震扶桑

曉過紅橋

一竿初日半林煙楊柳新黃二月天歎息紅橋橋下水

碧波猶似

顯皇年

路見同民戲作

同紇歸唐助壯猷帽尖鬚短異常流雍王駕馭洵非易
贊普規模竟久留俶詭莫須嗤萬狀堅凝亦自詡千秋
中原道統惟精一未許區區迹象求

奉

旨免帶引見紀

恩恭賦

老更歲月半疎慵愧在蓬萊第一峯

同日奉旨
在左湘陰全葉河兩

公之班肅

堂廉瞻峻極

恩加步履感優容如雲多土襄三五捧日微忱傍

九重王後盧前嘲自解支離叟伴兩喬松

湘陰年七十一歲葉河年八

十一歲余年七十有五適界其中

季皋相國以和周荇農閣學七律見示因步元韻
湘草湘花盡景從帆隨湘轉有雄風邱明作傳承尼父
太保歸朝羨召公域外氏羌驚偉略天心日月表純忠
鄉情篤至兼瀟洒東閣吟梅鬪句工

季皋相國新遷東華門外玉河東岸詩以賀之

夾路東風草木妍東華香土快登仙移家幽勝通明宅
待漏欣依兜率天戈戟韞光眞靜穆樓臺近水總澄鮮
暇時更有臨文樂拍手爭看下瀨船

東園偶成

東園偶閒步蕭散開煩襟芳草勃生意時鳥多佳音感
茲陽和氣默識天地心言念陶彭澤無弦愛素吟

養疴卽事

聞說商山多紫芝劉商賜朮慨遲遲嗜茶卻異相如渴
讀畫翻同子久癡桃李吹香風定後檀蘿滅寇夢同時
絲綸閣下文書靜白傅吟成趣自怡

清明微雨絕句

紛紛細雨浥輕塵柳濯金黃草翠茵不負清明好時節
杏花村店踏青人

七夕漫興

西風天上白榆秋
河漢無聲渡女牛
萬國巧思開玉宇
三唐豔福說銀州
星辰位重兼耕織
閨閣嬌癡肅禱求
笑煞橋邊烏鵲輩
羽毛抖擻附清流

戲題照像用朱子穎運使自題羅兩峯山人所繪
小照韻

傑閣凌霄峙鳳麟
茫茫今古我何人
風塵歷碌慙名位
水月空明問假真
武肅螭螭均幻夢
莊周蝴蝶最丰神
兩峯渺矣誰心寫
自笑梅花身外身

題贈法源寺靜涵上人

松風水月共徘徊白馬紅羊幾劫灰
夙慧早參梅子熟禪機笑指棗花開
雁王鹿女觀元化兔角龜毛入辨才
我豈金山留帶客鈍根常怯妙高臺

萬藕船太宰以園蔬見餉詩以致謝

菜根香嚼耐追尋良友相貽愜素心
瓠子防河誰擘畫茄花徧地亦規箴
秋光有耀添佳興野趣無邊助朗吟
瓜架豆棚村咫尺讀書真樂羨翁森

辛巳重九日恭送

孝貞顯皇后永安恭紀

如此重陽菊也愁西風黃葉響颼颼
花馨素奈眞成讖

酒醉紅蕖易感秋天漢蒼涼星北拱潞河鳴咽水東流

六七月間有
星孛於斗極

慈雲畢竟長呵護玉粒金穰徧處收

途中雜詩七絕

遼金遺蹟屢徘徊霸氣銷磨豔福來幾許六朝金粉意
畫眉塚接晾鷹臺

柳條秋冷碧婆娑一路煙村挂薜蘿舟結虹橋人織蟻
前騶鞭指說三河

靈風獵獵滿山谿執紼矜莊隊伍齊游女野人依戀切

噶刪一笑等驅雞

驅逐閒雜人等員
弁謂之跑噶刪

麥苗針簇野煙蒼地迴天空雁叫霜鬱勃詩心添畫意
青山紅葉古漁陽

忽逢僚案忽王公前後追隨豹尾中斜日淡雲秋色遠
四圍山氣薊門東

桃花山頂桃花寺流水桃花香自然挹取甘泉烹茗
問誰風腋證飛仙

殷譜經前輩以答 酤邸贈酒和章見示卽步元
韻

鴻儒感德意難忘想見同親日月光雅詠詞林昭四始
修文史館備三長

余與譜翁同爲
史館總裁官

自應品第輝金管豈

止芳馨侑玉觴瞻戀

慈恩今更切淚珠共點曙袍霜

殷少宗伯以 醕邸贈詩見示再步元韻藉誌欽

佩

詩歌有斐不能忘何況親承謙德光
忠愛纏綿欽性至
友朋眷顧倍情長
凌雲健掃相如筆
醉月橫飛太白觴
慚愧衰年勞軫念
誼誼鞍馬戒星霜

齋房待漏

龍尾花磚接玉溝
崢嶸樓閣野雲稠
長廊清寂鐙初爇
驚聽雞人報曉籌

上清宮闕切雲霓億萬斯年奉瓊主佳氣鬱蔥通

帝謂金星山北

普陀西

遵薊謠

幾日

山陵効駿奔西峰峻阪踏雲根樹林陰翳歸雲擁笑遇

文襄再世孫

遇福文襄王之曾孫本公謙

夏家林路轉迴環曲澗澄清石骨頑百萬蒼松排笏立

朱華山肖米家山

桃花山畔小句留

行帳茶尖

仰見瓊城十二樓霄漢依稀雲

壁繡滌襟泉水咽寒流

香華庵上月黃昏落葉蕭蕭下遠村千古崇臺雄劍舞
田盤豔說李將軍

寒號蟲語笑童奴此後難誇鳳不如檢點急裝行速請
帝城愛日喜冬初

僅僕畏寒催請早行故譌之

日上洵河三丈紅板橋霜氣白空濛咸豐景物渾如昨
不見當年松雪翁

趙大司寇光家三河縣咸豐六年查工共事

趁墟人眾語紛譁夏店高風雅足誇溫飽有資無異物
紅梁紫稻白棉花

齊安小杜詠登高今見齊安姓字豪

三河第七鋪有兵名齊安觸撥

詩人閒興趣菊花杯酒醉霜螯

勝地全燕詠樂郊召公胙土此分茅甘棠樹古英靈在

未許閒鳩噪鵲巢

用海棠雙鵲意皆調語也

通州旅店

開平王祀絕牲牢野廟紛陳沼沚毛翹首湘君何處是
月華如水碧天高

醕郎以代摹小照見示感泐之餘敬成一律藉申

謝悃

裴令同慚貌不揚式金式玉仰賢王虎頭妙繪紆青盼

鳳閣清芬拓紫光耆壽共欽周太保

召公百六十歲九月二十一日爲

王壽辰頌
之禱之

近親何止漢南陽田盤更讀詩中畫五嶽真

形祝降祥

近貽有田盤記游詩冊
寫景逼真詩中畫也

景秋坪七弟持贈華山古松詩以致謝

金天秀卓玉芙蓉靈氣迴旋寶氣鍾夙愛渭川千畝竹
今來華嶽萬年松蕭森未許棲凡鳥盤鬱還疑近卧龍
尺短寸長培植厚儲材笑契大司農

左爵相節制兩江賦詩奉餞

中書令近

紫微天面

授機宜威德宣使相權尊曹武惠通侯福勝馬文淵沅

江蘭草香盈路鄧尉梅花境欲仙異日還

朝欣握手雄姿不數潞公年

曉出西直門閱外火器營操

斜月一輪明蝦蟆促曉更虎符傳節署魚鑰啟重城地
闊厥雲肅霜嚴草木驚幽燕多老將好與細論兵

藍靛廠南村店小憩

轟雷掣電陣雲開細柳營中校閱同堯韭舜蔥清有韻
紙窗竹屋淨無埃樂天自愛防風粥工部時傾濁酒杯
喜我佳兒依左右宛然蘇邁此追培

禮兒隨侍
頗慰岑寂

歸途口占

歸途饒逸興迤邐鳳城西寒日明鴉背清風信馬蹄炊
煙村近遠寺塔樹高低羨煞林間叟閑閑策杖藜

丁家灘七律爲 醅郎巡視水田作

水田澹沱石嶽奇旌旆飛揚耀上儀東海王封高漢代
西山仙境入陶詩炊煙翠漾松連屋曲徑黃深菊繞籬
比似三盤應沃衍文章大塊寫雍熙

恭和 醅郎翠微山得句元韻

萬物由來愜靜觀小清涼境路漫漫梵天香界怡神往
魯殿靈光帶笑看山月五更蟾耀采野風千嶂鳥號寒
端惟翠柏蒼松好虎攫龍拏影曲盤

磨石口承恩寺恭和 醕邸元韻

愛馬難尋僧遁支精藍古樹網蛛絲風煙石壁疑天削
名姓山靈或我知赤縣神洲紆峻賞白駒空谷動遐思
好賢隨在深嘉獎喜見超塵島佛詞

西寮僧詩蒙獎可與賈島并傳矣

長至日恭跋

御製九九消寒圖

亭前垂柳待春風仰見

宣皇聖藻雄

御製九字曰亭前垂柳珍重待春風

珍重峭寒消九九神

呼九烈亮天工

再題消寒圖後

梅花開後杏花開廿四花風次第來九十韶華欣滿眼
一陽發育此昭同

養疴得句

老病疎慵 王大臣諸君子勞
謙存問心切不安賦此誌感

汗漫端宜署放翁幾人道義辨和同三霄桂影金門月
萬樹梅花玉笛風曠羨東山棋墅達醉防北海酒樽空
閒平姚宋勞存問擬賦高軒恨未工

李蘭孫相國景秋坪司農均餽食品賦以致謝仍

疊同字前韻

佛果仙心證碧翁成連滄海賞音同殘應綠蟻釀家釀
炙有黃羊話土風

秋坪與余
均吉林籍

花月千秋昭雅潔煙雲萬

態笑虛空鄴侯新撰侯鯖錄珍並郇厨調燮工

尹仰衡舍人

恭保

改官粵東司馬著作宏富未易

才也賦此致贈

幾載黃扉草白麻五羊城訪列仙家

熙朝遠勝唐天寶名作爭傳杜浣花
隨地設施懷稷卨燭天光焰薄雲霞
蒼蒼無限生才意仁見騰驤蔚

國華

冬夜偶成

燈花紅豔夜談詩兒輩團欒鼎解頤
羨煞阮亭風韻好綠楊城郭白蓮祠

臣本煙波一釣徒
聲山佳句點塵無
金鰲玉螭時經過
擬畫周京魚藻圖

女孫憨戲每追隨
果脯糖霜口不離
興到自誇詩慣讀
琅琅背誦木蘭辭

吟到梅花見性情
霜華磨礪月華清
姚崇亦是調羹手
鐵石端推宋廣平

夔石少司農以百合惠我賦此致謝

檢點參苓酌禁方
擬因藥餌佐康強
趙衰日愛三冬煖

杜甫花吟百合香
表白貢珍矜洛下

道光年間有表奏
嵩山百合治嗽神

效者遂爲
嵩山貢品

山丹拔萃羨嵩陽
隨風咳唾誰珠玉
已嗽還

欣拙藉藏

臘八日作

米煮雙弓水五香驅儼伏臘禮空王呼圖克土饒神力
助我

熙朝大吉羊

年例中正殿送崇呼圖克
土囊事排當極爲烜赫

雨華峻閣插青冥法鼓金饒震萬靈佛意去邪期務盡
鴛鴦橋畔送巴苓

以麪作鬼怪狀送至神武
門西棄之謂之撈巴苓

四目黃金戈戟陳羣邪匿影避明神阼階朝服紛囂靖
繼武尼山有幾人

社廟家祠祀典崇酪漿雪白棗漿紅人天歡喜兒童樂

臘鼓鼕鼕報歲豐

祀竈

心香一瓣達微誠
風馬雲車望玉京
名位夙欽高五祀
是非何冒效三彭
調羹有績助勤久
媚輿何人計畫精
我願家家傳吉語
鼎鑪有耳聽分明

臘日 恭邸有食品之餽敬疊同字韻賦詩鳴謝
樞垣竽濫笑衰翁
廿一年華憂樂同
珍錯忽頒香歃玉
酸寒全壓粥防風
梅羹共味諧丹悃
絮雪因時仰碧空
伏臘歡聲添頌禱
埽除蝻孽有天工

歲暮

歲暮升香愴遠追森森蘭玉雁行隨
貓迎虎拜紛鄉社
鳳翥鸞翔話古碑城郭東紆青極目雲山北拱翠舒眉
蒼髯叟似憐余
羣風偃寒濤霜葉垂

壬午元夕前四日瑞雪紛集詩以誌喜

試鐙風峭雪交加

青帝恩膏此拜嘉
河漢銀雲團荻絮瀛洲玉雨夢梨花
香泥鴻爪文章古
野老豚蹄願望奢
最喜元宵逢介節
星橋火樹絢韶華

溫棣華侍講以補種瀛洲花木圖題詩索句卽次

其韻率成二律

芙蓉城接鳳凰城紫姪紅嬌暢遠情萬斛天香開闔苑
一泓海水潤寰瀛風雲有興枝柯峻桃李無言蹊徑明
喜是八叉吟手植班聯玉筍妙裁成

陳芳國界峙長城雅詠還饒綺麗情活色生香濃北苑
金支翠羽耀東瀛瓊林醉酒三春豔玉鏡傳家四照明
領袖羣仙增韻事碧琅玕對董雙成

補之
韻極

楊簡侯前輩玉堂
種竹棣華以花木

西苑玉河花朝卽景

金鰲玉蝀水平橋一路東風萬柳條
宿翠煙仍昨夢花開紅樹又今朝
沙鷗翔集含情遠社燕呢喃作態嬌

來往趨

朝人幾許問誰吟興寫清超

清明埽墓感懷敬述

樞斗宵旰擁

帝車清明偶此得幽遐炊煙幾處綠槐火村店一林紅

杏花漢寢唐陵延

聖澤

歷代帝王陵寢
各省官爲致祭

龍山鳳水頌

天家

推恩鸞誥光泉壤矢報雲初感奮加

余自曾祖以次
均蒙大學士一品

封贈本日星姪禮兒
均隨行禮矢報何極

上巳新霽偶作

嫩晴天氣寫清酣韶景爭誇三月三柳安花風恬薊北

茶香穀雨話江南地迷芳草笙歌歇

朝陽門橋東南界
芳草地向有歌樓

今已無矣

宮豔蟠桃士女憨

蟠桃宮上巳日每年廟
市士女雲集繁盛之至青帝恐

人嫌寂寞流鶯圓轉燕呢喃

夏令將臨詩以誌感

句芒旋軫五雲東乳燕鳴鳩楊柳風九十韶光詩境老
兩三狂客酒尊空玉腰奴豔蜍蟻白金帶圍香芍藥紅
彈指詰朝臨夏首麥天晨氣祝年豐

題文華甫觀察畫蝶團扇

金粉鮮華點素羅放翁畫本豈同科
莊生栩栩丰神古公子翩翩濁世多
無限嫩涼恬北牖阿誰佳夢詔南柯
宵深更喜流螢撲銀燭秋光戲盪摩

五臺山金蓮花功可明目溫棣華世講持以相贈
賦詩謝之

清涼山古慧鐙傳地湧黃金萬柄蓮一白

高宗輝聖藻

鈍廟有金蓮花詩

至今光燭界三千

三晉仙才溫棣華妙蓮攜取自山家
貽余淨洗人天眼不眩恆河無量沙

澄觀

小暑前二日

雲在青天水在瓶
天瓶居士久遺馨
我今淨滌空中翳
雲水光寒眼獨青

睡起

竹枕桃笙午夢頻
簾鉤輕響靜怡神
雕籠鸚鵡知人意
詩誦清風來故人

小暑後三日述懷

四朝趨事懍冰如
回憶丁年宛窳初

堂陞恩寬休沐屢
朋儕情諒酢酬疏
江城幾曲梅花笛
梵筴三乘貝葉書
綺皓有靈應笑我
參苓服餌尙躊躇

東園雨中作

一粟園中偶溯洄

朝襟抱此宏開四圍樹
裊風痕爽萬柄荷喧雨
陣來藏鷺共欣添畫意
分龍應試作霖才
老夫大慰豐年望
況有兒孫笑語陪

重陽卽景並憶玉堂五弟

老境侵尋鬢欲霜
風風雨雨感重陽
無詩恐負黃花約
有蟹眞教綠酒香
滑澁聽人愁道路
豐登爲國祝倉箱
茱萸獨插憐子季
巴蜀雲山紫邏長

賀薌生同年得女

耀掌明珠喜氣團
七旬元輔滿庭歡
乃翁益切生男望
阿姊權當弱弟看
愧我衰齡呼負負
羨君秀骨毓珊珊
疏狂老態應相笑
東閣吟梅興味酸

恭和 醅郎閱兵元韻

如山軍令寂無譁
牛斗分光絢月華
葛相鴻圖參八陣
唐宮羯鼓笑三撾
紅旗捷奏崑山路
紫塞塵消瀚海沙
新疆平定
北路亦安

王道蕩平仍肄武
倚天長劍懾諸邪

卽事七律

嶺雲香送早梅新
喜見東王策鳳麟
過詠高軒驚李賀

挽疎投轄愧陳遵銅龍照日揚華彩玉塵清風絕點塵
瑞雪圍鑪期後約好乘佳興轉洪鈞

盆梅初蕊偶成五律

東閣詩懷健西湖畫意多衝寒資火德向煖得天和睡
鶴幽香沁蟠虬瘦影摩巢居姿態古端合老巖阿

文靖公遺集卷五

男景灋孫蔭桓恭輯

和 醕邸近作元韻

俊語名章俗可醫
朵雲忽捧使星馳
韻飄仙樂玉聞磬
味領天厨金耀匙
郭橐共參栽樹巧
戴逵應許鼓琴宜
頓疑衰颯成頑健
翹首吟壇樂不疲

漫說和醫暨緩醫
神農許子屢馳驅

謂許濟川秋曹

種梅夢繞

花千樹嘗稻香添雪數匙

山寺僧侶餽甜沫粥食之尙好

雄秀子瞻良

可慕蕭閒和靖總相宜
拈毫勉步瓊瑤什
自笑心疲腕亦疲

醕邸招飲適園卽事並和元韻

紫霞滃鬱擁瑤臺未許塵踪得到來
禪伯共疑香國界詩王遠邁洞仙材
自天月窟雲階併霍地千門萬戶開
我本河間舊賓客山梁趨步美時哉

儼然靈沼與靈臺雅客時邀仙蝶來
松菊徑餘陶令宅

園西北亭額曰

蛟虬書愛楚人材

曾文正侯相楹帖堂壁懸之喜其功勛亦

欽其品

家聯玉樹芝蘭茂

心泉上公樹貝勒澤公亦均來游

厨盛瓊筵

櫻筍開更喜歸途蓮漏下天街明月魄生哉

靄雲親家以原品就第奉朝請偶成一律

九重丹詔彩爛斑竟許通明返故山
萬里青天黃鵠舉

一溪碧水白鷗閒歸田益信

君恩厚解組全教俗慮刪樂聖銜杯千古事陶然應詔
列仙班

游適園再疊前韻呈 醕郎

丹鳳城西白玉臺木公時共偁佺來哦詩別具煙霞氣
列棟羣誇柱石材不剪翠蕪添露潤多栽紅杏傍雲開
西園多杏幾有連村之趣韶華無限饒佳興翹首雄風頌快哉

高陽相國邀諸同人雅集先哲祠卽席偶成

高陽才子古懷深尺五城南共式臨孤竹清風欣在目
百花生日敢縈心酒澆慷慨趙州士詩詠低徊梁父吟

蝶板鶯簧好時節恍疑孔壁奏遺音

酹邸分賜珍品詩以致謝

御饌許分嘗靈芽玉茗香雲情眞道義風味古壺觴遠
性煙霞癖雄詞日月光適園趨步切花木想芬芳

養疴句呈 恭邸

年齒衰頽世

聖明鷄行合共野鷗盟正心永矢眸偏眊陰德無聞耳
自鳴祿秩慙惶

金闕厚班聯依倚玉壺清甘棠召伯誰能繼賴有周公
作法程

洗眼戲作

金蓮花水玉蓮杯猶有清涼山氣培洗眼頓教塵翳掃
大光明藏證如來

案上水仙盛開詩以贈之

珊珊秀骨裊香風淡遠清微俗障空比似梅花標格好
銀臺金盞玉玲瓏

綠窗朱戶翠雲裳料峭風斜挂萼香記得西湖祠畔過
路人爭拜水仙王

塞上曲

友人談塞垣景物
戲成絕句五首

黃金條脫錦鞍韉淺水平蕪試馬天花朵愛簪長十八

祝郎長共此芳年

玉笛聲連笳拍聲東風吹暖白龍城漢家宮闕今何在
青塚年年芳草生

滿目金元故壘荒薊門松柏曉蒼蒼甕山湖曲勲名赫
耶律猶傳文正王

城隍雨帝野歌謠作法於涼永樂朝莫向西山悲老佛
景皇陵樹亦蕭條

天垂四野敞穹廬牛馬盈溝鶉雀居瀚海無波山疊翠
昇平世界古皇初

海淀閱操卽事偶成

綠楊煙水護重城紅杏花中酒旆迎逸少豔稱修禊事
長安仍唱麗人行春蒐頓益詩懷壯野眺全疑畫本呈
爲國占豐欣悅甚麥田錦雉聽飛鳴

再疊前韻

詞壇提唱復干城紫邏雲山夾道迎

朔日庶常館
局門課士

敢謂

文淵雄矍鑠聊希太白放歌行六軍勁氣看騰躍萬彙
生機喜露呈奔走卻饒閒興趣梨花村店栗留鳴

醕邸有持贈之作敬步元韻

百花香裏勸提壺細雨斜風土脉酥王謝蕭閒超晉魏
間平德量契珍符三春好語朋黃鳥一徑生機屬碧蕪

自笑才非蘇玉局也追笠屐繪新圖

閱操事竣口占

大野曠無垠晨光滌俗氛山濃青帶雨霧重白成雲
選將論河朔勞生笑汝墳倚天長劍在好共策奇勲

旅店

易水春波明鏡揩太行環翠笏分排德功赫奕馨香報
瞻禮殷拳慈孝懷槐柳更新傳燧火茅茨寄迹感堯階
勤勞無限低徊意降福端宜頌孔皆

僧舍

花翻錦蝶樹蟠虬清潤天光近麥秋綠酒飛香重午屆

碧山如畫四郊游歸田有路懷元亮織綺誰家詠莫愁
聞道皇威烽燧靖屯耕已徧海西頭

遣興

風薰大野桑麻秀雨挹平湖荷芰香我亦堯衢耄耄叟
敢虛擊壤好時光

郊行

黃閣奉

恩暉花看金帶圍禹功戒矜伐堯典念危微砌近薇紆
紫林高杏賜緋最慚歌退食常惹

御香歸

聽琴

笛韻夙稱桓子野
歌聲或美米嘉榮
何如流水高山曲
盡洗箏琶豔冶情

題石

松菊蕭疎三徑荒
間行端不畏驕陽
靜中自闢羲皇界
滿院綠陰生晚涼

再疊陽庚二律呈 醕郎

世味神農藥共嘗
黃連花豔紫椒香
何如赤壁吹橫笛
更約青蓮醉羽觴
幾輩筆歌矜墨舞
一時劍氣耀珠光
我王勉勉嚴綱紀
四海勲名萬古芳

青山秀拔水虛明好締飛仙證素盟松柏飄香風月闕
雲霞絢彩鳳鸞鳴自慚賦質多塵濁未敢奢心涸上清
碌碌朝班空忝竊誤人模範是周程

病中讀史戲成一律

和同辨哲古今同偏倚全忘協大中學問預防雞犬放
北南最忌馬牛風霜瑩竹節干雲翠火煉蓮花耀日紅
笑問漢唐朋黨輩幾人堪質碧翁翁

端陽前二日次 醕邸韻

朱櫻紫甚又新嘗四野南風草木香蛺蝶驚看穿徑捷
鵲鵲智炫得泥忙光天化日恢函夏畫景詩材寫盛唐

遙想登臨舒雅興
鄒枚孰敢競微長

病中休沐 醕邸以園中偶成詩示敬步元韻

瘦竹疎花送嫩涼
葛風羅雪暑全忘
郊原共喜商霖溥
版築爭傳傅野忙
獨醉獨醒麾欲鍊
宜甘宜苦藥頻嘗
飛騰健筆拈無力
擬和雲韶費忖量

英辭激壯氣
蒼涼展讀欣
教俗慮忘天際龍
鸞驚炳蔚
世間蟬鵲笑
奔忙秋容更比春光好
蕉夢誰全蕉味嘗
欲註陰符慚鈍拙
縠城仙石擬籌量

清宵漫興

露香荷淨洗紛華
烹愛龍茶與鳳茶
得地芳馨清不滓

白天膏澤浩無涯調成鼎鬲風雲氣超出林泉桑苧家
太華峯頭花十丈也應相伴飲流霞

采菱歌續采蓮歌別樣烹茶挹露荷魚鱗漚圓涼月朗
旗槍煙靜好風多佳名雅稱餘甘氏

握澤新分

太液波滌筆冷甌飲

聖藻拜颺竊願附卷阿

樂道主人召飲於朗潤園在座者爲大司空崇沛

如李蘭蓀大司馬沈經笙少司馬崇地山大司

農董醞卿執金吾成竹坪余亦與焉人等竹林

地超金谷甚盛舉也

名園朗潤冠京都賢邸宏開雅集圖萬卷縹緗森鄴架
五侯轂核盛郇厨芝蘭氣馥黃金鼎冰雪光寒碧玉壺
彷彿大羅天上事寰中煩暑一毫無

樓閣玲瓏蔚紫霞清嚴不數列仙家四圍流水青楊巷
一院香風白藕花寶笈雅稱羣玉府天潢原有挂星槎
水亭泊舟二日盟鷗舫日載月
航放乎中流大有江鄉之趣

飄飄別具凌雲氣經籍英華絢物華

佳哉六十種蘭亭鳳泊鸞飄發古馨修竹茂林山寫意

碧雞金馬石含靈

六十種外又有桂文端公田黃石刻
蘭亭景物與右軍筆意輝映甚奇

換羊莫漫誇神品，瘞鶴何須問故銘。自幸與窺清秘閣，
白榆花老傍樞星。

主人豪興屢飛觴，醒醉真難斗石量。投轄陳遵同懇摯，

逃禪蘇晉任疎狂。

時屈薄暮與沈經翁扶醉同行

鎖闌笑說先生饌。

毛煦

翁以入場未至

速駕高欽夫子牆。

李蘭翁以隔城先歸

太史德星占象否。

仰瞻雲漢正輝煌。

夏夜荷亭品茶偶作

參差荷蓋綠煙高，露作茶烹興趣豪。火活泉新添醇馥，
文沈武布妙甄陶。錦雲十里紅分萼，碧月三更素捲濤。
孤悶破除風味別，天然醲郁感。

恩膏

從事秋操作

海淀道中

蒼鷹學習氣縱橫山近清涼眼界明叢菊幾家秋色遠
晚菰千畝野煙平仙雲有態光華絢王道無偏正直行
聖世蒐苗隨步伐願求黃石拜先生

秋操口占

中秋前一日

獵獵秋風振鼓笳西郊秋色湛清華偃松老屋龍蛇影
蕎麥平疇霜雪花山翠萬重雲澹沱水痕幾曲潦橫斜
所期到處妖氛殄笑指麾前霹靂車

雨中賞菊

古重陽後三日

嶙峋傲骨不知霜
天氣蕭森雨氣涼
風絢秋容偏潤澤
露濃晚節倍馨香
螭筐豔說黃金甲
蟻淥清分白玉觴
采采卻殊陶靖節
南山台壽頌吾皇

恭邸以雨中韻復作月下賞菊一章走筆奉和

三更珠露五更霜
月透疎籬分外涼
圓到蟾蜍情自逸
瘦歛蝴蝶夢俱香
金波穆穆迴雕檻
銀燭溶溶醉羽觴
交影更宜庭下竹
清標比並問英皇

月下賞菊再疊前韻

明月千門白肅霜
西風玉笛譜伊涼
九秋壽客精神健

兩晉陶家姓字香佳色平分丹桂窟豪情頻倒紫霞觴
餐英妙入遊仙夢笑跨銀鸞金鳳皇

酹邸示賞梅五律卽步元韻

獨契天心復西湖處士花鶴歸風料峭蟾冷月橫斜薄
醉陶潛酒濃芬陸羽茶蕭然忘世慮詩筆湛清華

樸庵主人來詩適在雨中卽次元韻

畫簷飛雨歎珠流俯仰閒階豁遠眸苔色潤增三徑古
竹聲涼捲一庭秋讀唐律慨題紅怨味漢書思大白浮
深望雲開宵月朗壯懷高壓庾公樓

讀恭邸詩箋暨酹邸詩集敬題一律

巨製哀然集大成裁雲縫月巧難名黃鐘大呂涵元氣
豪竹哀絲寫正聲光焰一時唐李杜勲猷千古漢間平
珠璣滿目輝蓬華餘采猶應牛斗橫

酇邸以五律見示卽步元韻

煙霞容大隱嬾散聽羣嘲鑪煖宵深擁書輕午捲拋羊
求欣掃徑蚊睫笑安巢雅羨神仙侶麻姑快癢抓

翦燭研周易義文義莫窮安符行地馬儀遠漸達鴻清
曠雲生牖虛明月在空汝陽期共酌古趣醉鄉中

恭邸以集唐仙詩十二首見賜更以詩附函並寄

卽步元韻鳴謝

水如環佩月如襟成句浩蕩天風鸞鳳吟
自喜煙霞供吐納
渾忘塵海幻晴陰
飛仙雅擅凌雲筆
古佛常存壽世心
口角沫流低首拜超超元箸感元音

秋懷次葆光道人元韻

煉石誰參造化功
東王公力補

天公銅盤曉湛三宵露
金粟香迎八月風
別墅棋聲娛太傅
中條山色老司空
名章環諷吟懷慰
笑把荷花醉碧筒

醽醁餽肴饌並侑以詩卽步元韻

瀟瀟靈雨隔經旬
愧說天涯若比鄰
珍品新奇銘誼厚

瑤篇斐亶倍情親分來玉宇清虛氣仰止金剛般若身
鳳至河清歌作覩慢思葭露詠伊人

走筆戲呈 恭邸卽步元韻

落拓湖樓酒百壺指揮赤腳走長鬚喜看綠樹藏鸚鵡
怕聽黃陵叫鷓鴣何處更求安樂法有人疑是上農夫
狂言欲證光王佛笑撚天花頭點無

適園主人商訂會飲之期以詩代柬走筆奉和

春寒花勒愛春遲梅雪桃霞玉並枝劉阮芳蹤紆遠夢
羅浮佳境寫丰姿香分家釀初開後肥豔河豚欲上時
俗冗正紛酬達率乞容走謁話襟期

卷五
荊門煙樹九日登高作

荊門秋色莽無邊此日登臨興浩然苔石坡陀皴碧樹
菊花籬落冷蒼煙山河王氣蟠龍虎今古雄才重代燕
塵世多逢開口笑詩心欲傲杜樊川

其二

風煙雲樹古城根

元時舊城址

鎖鑰居然壯北門西嶺青蒼

開畫本東陽咫尺弔詩魂麒麟荒塚高低路烏鵲斜暉
遠近村老境每同兒女樂喜逢重九醉金樽

步

酹卼韻

帝念賢勞久卿雲任野雲湖山資照灼錦綺助氤氲虎

旅騰光焰龍章煥大文手揮玉如意瀟灑武夷君

夢中得句醒猶未忘姑存之

玉簫金管紫霞觴縹緲天門誇鳳凰
召虎拜稽周雅重沐猴跳擲楚人狂
太平

天子神離肅跋扈將軍氣莽蒼
木魅山中耳如斗題詩應許耀鋒鋩

酹邸分贄

御賜仙棗步韻鳴謝

珠光玉氣耀

西池食拜如瓜正及時感泐無窮辭
莫罄笑同艾艾復

期期

雪意應節晚酌偶成

節經大雪先微雪爲國占豐氣候勻松影霜清瞻矍鑠
梅花玉照健精神詩吟郊島寒兼瘦畫入溪山淡愈真
羔酒粗豪兒輩共平吳訪戴問何人

斗室養疴兒輩以好鳥時花點綴窗外頗足娛目

戲成短章藉慰長晝

長至後五日

掀髯一笑侈浮誇鳥助謳吟蜂作衙尺地寸天爭綺麗
綠肥紅瘦寫清華夢回久悟莊周蝶園小眞成庾信家
喚取穉孫寫詩草免教人斥墨豬斜

小愈

粉侯輿馬曉霜天

景錫朋額駙宅在比鄰

小愈趨朝我亦然惟有

瑣窗雙鶴鶴滿身涼月枕階眠

松吟濤由宮庶升祭酒詩以誌喜並索和章

大宗師悟南華旨進境如斯境欲仙難弟難兄雙太史

謂延樹南倉帥

司成司業四同年

吳望雲為漢祭酒兩司業為汪柳門文叔平均乙丑進士

幾番玉筍瓊林茁

太考升擢者有一派銀潢壁水連震

南升宮詹吟濤繼之皆宗室佳話也

笑我凌雲無健筆吟濤吟否證諸賢

東嶽廟瞻禮恭紀

朝陽紅耀

帝京門東嶽巍我廟貌尊變相翻雲吳道子法書垂露

趙王孫

七十二司鬼神光怪想皆吳生本也

三千佛界

鰲身聳

京師巨刹甚多茲處最稱宏麗

五十年華鴻爪存

梓潼殿中余書匾額仍存

將及五十年矣

羨煞當時狂道士玉梅花下醉詩魂

張伯雨因吳閑閑移

種梅花初至北京如見西湖故人流連忘返以至沈睡閑閑知之特令以詩贖過故伯雨有風沙不憚至千里將身跳入仙人壺之句一時翰林皆和焉洵佳話也

恭和 醕邸東園小集元韻

霞蔚雲蒸露氣含詩王興味我深諳三霄月朗金尊對

四座風生玉塵談仙愛老坡工說鬼

偶時談鬼趣助酒興佛依彌

勒許同龕德星應卜宵分聚吉曜呈祥話石甘

心泉上公在坐

談譙
甚洽

五塔寺

突兀神奇勢巋峩誰將道力識波羅五華雲蓋地靈聳
七寶風鈴天籟多法相紅蓮疑湧現浮圖白日幾銷磨
大千功德靡涯際且作長城倚馬歌

醕邸命澧公以詩見惠未晤卽去敬步元韻

晴窗萬斛緇塵刪筆歌墨舞胸懷間雲端忽下王子晉
緱嶺鶴唳驚松關玉笛竟許李暮振武夷未獲仙踪攀
俯仰靈跡意恟恍松花如雨馨秋山

書所見疊 醕邸嘉獎四首元韻

邀約同鄉携近鄰進香人外半閒入漢皇驚顧賈生笑
難辨蒼生與鬼神

紛墨迷離看不明低昂自詡過雲聲雷霆霹靂紛鐃鼓
震倒瓜棚及豆棚

童冠聯翩情誼敦孰爲城郭孰莊村道旁明眼人長歎
劉景升兒盡犬豚

糾桓幾輩識之無燕市從來重狗屠游手擬教歸簡銳
好扶民社翊

皇圖

恭和 適園主人海粟七律元韻

手提玉尺橫江去也說長風破浪曾咸豐戊午主浙江鄉試時江口戒嚴
由戰艦中穿渡江
行幾六十餘里 究未蓬壺觀歷歷較低霄壤幾層層
書窗蕉綠有情月佛火蓮紅無斧鐙欣聽成連歌古調
海天雄潤寫精能

一笑

人情物理重徘徊俯仰乾坤妙化裁芍藥花光呈大士
芍藥花開菩薩面見前人詩句蘋婆果色証如來蘋婆果顏色肖如來面見梵書
余丹頰戲王言雋逸神相許此語靈奇我亦猜幼在此壇仙語言之異哉
謂自衡山修一笑大千皆幻相空中樓閣掌中杯
持降生塵世

吏部進廢員冊偶成

數帙朝官名姓搜

天恩浩蕩盼從頭夢回化國游仙枕香返精魂聚窟洲
心跡自然昭黑白初終原不混薰蕕還瑕多少真瑜瑾
珍重披沙子細求

恭邸以田黃石刻蘭亭命題

絳雲一朵黃琮膩晉碣唐碑讓瑰異何人剖取發奇文
右將軍筆蘭亭字溯自蕭翼賺辨才褚虞臨撫輝埏垓
定武原本互考訂櫟李落水紛喧厖龍跳虎臥高風格
蘇齋逸少同魂魄文端相國手澤留

謂相國

璆琳漫擬

人閒石冰清玉潤什襲傳賢藩錦笥蛟虬纏晴窗展玩

墨香古月華虹采燭青天

文靖公遺集卷五終